



Kela[®]

Studeantta ja vearjo- geatnegasa doarjagat

Oanehaččat ja čielgasit | 2024

Opiskelijan ja asevelvollisen tuet | Pohjoissaame

Sisdoallu

Kela doarjagat stuđeanttaide ja vearjogeatnegasaide	3
Stuđeantta doarjagat	4
Oahpporuhta	12
Ássandoarjja ja ássanlassi	16
Oahppoloatna	18
Mo boadut váikkuhit oahppodoarjagii?	22
Doarjja skuvlamátkkiide ja borademiide	24
Allaskuvlastuđeantta dearvvasvuodadikšunmáksu	30
Rávesolbmuidskuvlendoarjja	32
Vearjogeatnegasa doarjagat	34
Ohcan ja máksin	37
Ná Kela bálvala	39

Kela doarjagat stuđeanttaide ja vearjogeatnegasaide

Dán brošyras mitaluvvo, man doarjaga sáhtát oažžut Kela, jos stuđeret dahje leat soahteveagas dahje siviilabálvalusas.

Brošyra loahpas gávnnat dieđuid das, mo sáhtát ohcat doarjagiid.

Brošyra mitala lohkanjagi 2024–2025 dilis. Mielde eai leat doarjagiid buot detáljat.



Lassidiehtu nehtas ja telefavnas

Kela doarjagiid birra mitaluvvo davvisámegillii čujuhusas **www.kela.fi/davvisamegiella**

Stuđeantta ja vearjogeatnegasa doarjagiid birra mitaluvvo dárkileappot Kela suomagielat siidduin **www.kela.fi/opiskelijat** **www.kela.fi/asevelvolliset**



Jos dus leat jearaldagat, sáhtát ringet bálvalannummirii **020 692 209**

Studeantta doarjagat

Kela sáhttá miedihit studentii oahppodoarjaga.

Oahppodoarjagii gullet

- oahpporuhta
- oahpporuða fuolaheaddjibajádus
- oahpporuða oahppomateriálalassi
- oahppoloana stáhtadáhkádus
- ássanlassi.

Sáhtát oažžut oahppodoarjaga ássanlassi dušše, jos stuđeret ovdamearkan álbmotallaskuvllas dahje olgoriikkain.

Jos stuđeret ja ásat Suomas, sáhtát dábbálaččat oažžut almmolaš ássandoarjaga.

Eará Kela doarjagat studentii leat ovdamearkka dihte

- skuvlamátkedoarjja
- oahppoloatnageahpádus
- boradandoarjja.



Kelas leat mánggat doarjagat, maid studeanttat sáhttet ohcat. Dábáleamos doarjagat leat oahpporuhta, oahppoloana stáhtadáhkádus ja ássama doarjagat.

Gii oažžu oahppodoarjaga?

Sáhtát ohcat oahppodoarjaga, go álggahat studerema vuoddoskuvlla maŋŋá.

Sáhtát oažžut oahppodoarjaga, jos studeret

- logahagas
- ámmátlaš oahppolágádusas
- allaskuvllas
- álbmotallaskuvllas.

Sáhtát oažžut oahppodoarjaga maiddáid vuoddoskuvllii, jos čađahat dutkanskuvlejupmái válbmejeaddji skuvlema dahje rávesolbmuid vuodđooahpahusa.

Rávesolbmuidlogahaga studeanttain doarjaga sáhttet oažžut dušše sii, geain lea vuoigatvuohta nuvttá skuvlejupmái, dahje geat čađahit ovtastuvvon dutkosa. Ovtastuvvon dutkkus oaivvilda dan, ahte čađahat seammaáigásaččat ámmátlaš vuodđodutkosa ja logahaga.

Du iežat boadut ja muhtumin maiddáid du vanhemiid boadut sáhttet váikkuhit dasa, oaččutgo don oahppodoarjaga.

Jos boadát olgoriikkain Supmii studeret, it dábálaččat sáhte oažžut oahppodoarjaga.

Jos studeret olgoriikkain, sáhtát oažžut oahppodoarjaga Suomas. Dus galget goittotge leat bissovaš oktavuodát Supmii ovdamearkka dihte ássama dahje bearašgaskavuodaid bokte.



Geas lea vuoigatvuohta nuvttá skuvlejupmái?

Dus lea vuoigatvuohta nuvttá skuvlemii, jos deavddát guktuid čuovvovaš eavttuid:

- Leat čađahan vuoddoskuvlla lohppii jagi 2021 dahje das maŋŋá.
- Leat rieğadan jagi 2004 dahje dan maŋŋá.

Buot skuvlejumit eai leat nuvttá, vaikko don deavddášitge eavttuid. Dárkkis iežat oahppolágádusas, leago du skuvlejupmi nuvttá.

Gii ii oaččo oahppodoarjaga?

It sáhte oažžut oahppodoarjaga, jos oaččut ovdamearkka dihte čuovvovaš doarjagiid:

- bargguhisvuodadoarjaga
- buohcuvuodabeaiveruđa
- veajuiduhttinruđa oahpuid várás
- ealáhaga (ii guoskka bearašealáhaga)
- vurohallanluopmobuhtadusa
- oahppodoarjaga olgoriikkain
- rávesolbmuidskuvlendoarjaga.

Jos oaččut rávesolbmuidskuvlendoarjaga, sáhtát goittotge oažžut oahppoloana stáhtadáhkádusa.

It oaččo oahppodoarjaga dallege, jos

- leat bargofápmoskuvlemis
- leat oahpposoahpamušskuvlemis
- leat vearjo- dahje siviilabálvalusas.

Buohccán

Jos buohccát stuđerema áigge, sáhtát báhcit buohcanlupmui ja ohcat Kelas buohcanbeaiveruda.

Jos dutnje miedihuvvo buohcanbeaiveruhta, Kela heaittiha oahppodoarjaga automáhtalaččat.

Vearjo- ja siviilabálvalus

It sáhte oažžut oahppodoarjaga vearjo- dahje siviilabálvalusa áigge.

Jos oaččut oahppodoarjaga ja manat vearjo- dahje siviilabálvalussii, almmut das Kelai. Kela heaittiha oahppodoarjaga. Sáhtát ohcat doarjaga ođđasit, go joatkkát oahpuid.

Oahppodoarjja logahatstudentii ja ámmátstudentii

Kela sáhtá juolludit oahppodoarjaga logahatoahpuide ja ámmátlaš skuvlejupmái. Rávesolbmuidlogahagas sáhtát oažžut doarjaga dušše dalle, jos dus lea vuoigatvuohta nuvtá skuvlejupmái dahje čadahat ovtastuvvon dutkosa.

Sáhtát oažžut doarjaga maiddá eará oahpuide, ovdamearkka dihte

- oahpuide álbmotallaskuvllas dahje valáštallanskuvlenguovddážiis
- válbmejeaddji skuvlemii, ovdamearkka dihte TUVA-skuvlemii
- rávesolbmuid vuodđooahpahussii.

Oaččut oahppodoarjaga mearreáigái.

Logahatoahpuide doarjja juolluduvvo álggos goalmmát oahppojagi lohppii. Ámmátlaš oahpuin doarjja juolluduvvo oahpuid viidodaga vástideaddji áigái.

Jos du oahput joatkašuvvet dan maŋná, galggat ohcat doarjaga lasseáigái sierra. Jos gearggat oahpuiguin ovdalgo leat plánen dahje gaskkalduhtát oahpuidat, de muite almmuhit áššis Kelai.

Oahppodoarjja allaskuvlastudentii

Sáhtát oažžut oahppodoarjaga, go leat čadaheamen

- allaskuvladutkosa universitehtas dahje ámmátallaskuvllas
- ámmátallaskuvlaoahpuide válbmejeaddji, sisafárrejeaddjiide dárkkuhuvvon skuvlejumi
- sierra árvosáni dahje oahppoollisvuoda allaskuvladutkosa maŋná.

Oahpuid viidodat váikkuha dasa, man guhká sáhtát oažžut oahppodoarjaga.

Ovtta lohkanjagi áigge
oahppodoarjja máksojuvvo dábálaččat 9 mánotbajis.

Vai don oaččut oahppodoarjaga,
oahput galget ovdánit.
Kela čuovvu oahpuid ovdáneami.

Man olu oahppodoarjaga oažžu?

Jos dus eai leat mánát,
sáhtát oažžut oahpporuđa ja oahppoloana,
eanemustá sullii 1 129 euro mánotbajis.
Dán supmis sullii 279 euro lea oahpporuhta
ja 850 euro lea oahppoloatna.
Jos dus leat mánát,
sáhtát oažžut oahpporuhtii bajádusa.

Dan lassin sáhtát oažžut almmolaš ássandoarjaga.

Sáhtát ieš árvvoštallat Kela siidduin rehkenastiin,
man olu oaččut stuđeantta doarjagiid.

www.kela.fi/laskurit (suomagillii)

Oaččut dárkilut dieđuid oahpporuđas, ássama doarjagiin
ja oahppoloanas dán brošyra čuovvovaš siidduin.



Sáhtát oažžut oahppodoarjaga
eanemustá sullii 1 129 euro
mánobajis.
Submi sisdoallá oahpporuđa
ja oahppoloana.

Oahpporuhta

Jos leat deavdán 17 jagi, sáhtát oažžut oahpporuđa.

Oahpporuđa mearrái váikkuha dat

- man ahkásaš don leat
- mo ásat
- leatgo náitalan
- leatgo dus mánát.

Unnimus oahpporuđat leat 8–43 euro mánotbajis. Sáhtát oažžut smávva oahpporuđa, jos leat 17–19-jahkásaš ja ásat vanhema luhtte.

Jos dus eai leat mánát, sáhtát oažžut oahpporuđa eanemustá sullii 279 euro mánotbajis.

Jos leat vuollái 17-jahkásaš, sáhtát oažžut

- oahpporuđa, jos mánáidruhta lea heaittihuvvon
- oahpporuđa oahppomateriálalasi, jos oahput eai leat nuvttá.

Oahpporuđas manná vearru. It goittotge dárbbáš máksit vearu oahpporuđastat, jos dus eai leat eará boadut.

Oahpporuđa fuolaheaddjibajádus

Jos leat vuollet 18-jahkásaš manná fuolaheaddji, oahpporuhtii lasihuvvo fuolaheaddjibajádus. Dat lea sullii 142 euro mánotbajis. Kela mieđiha dan automáhtalaččat.



Kela máksá oahpporuđa dábálaččat 17 jagi deavdán stuđeanttaide. Jos stuđeanttas leat mánát, son oažžu oahpporuđa lassin fuolaheaddjibajádusa.

Oahpporuđa oahppomateriálalassi

Sáhtát oažžut oahppomateriálalasi,
jos buot čuovvovaš eavttut ollašuvvet:

- Dus eai leat mánát itge leat náitalan.
- Du vanhemiid boadut leat oktiibuot eanemustá 41 100 euro jagis.
- Ásat vanhemiid luhtte ja leat vuollel 20-jahkásaš dahje ásat iehčanassii ja leat vuollel 18-jahkásaš.

Dan lassin galggat čadahit man nu čuovvovaš skuvlemiin:

- logahatoahput olgoriikkain dahje Álánddas
- ámmátoahput, mat vuoigadahttet oahppodoarjagii, olgoriikkain dahje Álánddas, priváhta oahppolágádusas dahje oahppolágádusas, mii ii leat oahpahushálddahas vuollásaš.

Oahppomateriálalasi sáhttet oažžut
maiddái 15- ja 16-jahkásaččat,
vaikko sii eai sáhte oažžut eará oahpporuđa.

Oahppomateriálalassi lea sulaid 52 euro mánotbajis.

Jos oaččut juo oahppodoarjaga,
Kela miedíha dutnje oahppomateriálalasi automáhtalaččat.
Don it nappo dárbbas ohcat dan sierra.

Jos it vel oaččo ollenge oahpporuđa,
muhto sáhtát oažžut oahppomateriálalasi,
oza oahppodoarjaga oahppodoarjjaohcamušain.

Vánhemiid boadut

Du vanhemiid boadut sáhttet váikkuhit dasa,
oaččutgo don oahppodoarjaga ja man olu oaččut dan.
Sadjásašvánhemiid dahje ovdamearkka dihte
ádjá dahje áhku boadut eai váikkuhit oahppodoarjagii.

Jos du vanhemat leaba earránan,
Kela váldá vuhtii dan vanhema boaduid,
gean luhtte ásat dahje gean luhtte leat manemužžan ássan.

Allaskuvlastudeanttat

Jos stuđeret allaskuvllas,
du vanhemiid boadut eai sáhte geahpedit oahpporuđa meari
dahje eastadit dan.

Jos du vanhemiin leat dušše unnán boadut,
dat sáhtta váikkuhit nu,
ahte oaččot eanet oahpporuđa.

Logahaga, ámmátskuvlla dahje álbmotallaskuvlla stuđeanttat

Jos stuđeret logahagas, ámmátskuvllas
dahje álbmotallaskuvllas,
du vanhemiid boadut sáhttet váikkuhit du oahppodoarjagii,
jos juobbágoabbá guoská du:

- Leat vuollel 18-jahkásaš.
- Ásat vanhema luhtte.

Vánhemiid boadut sáhttet geahpedit du oahppodoarjaga meari,
bajidit dan dahje eastadit dan ollásit.

Jos ásat iehčanassii nappo eará báikkis go vanhemiiguin,
vánhemiid boadut eai geahpet oahppodoarjaga,
baicce sáhttet dušše bajidit dan.
Vánhemiid boadut váikkuhit goittotge dasa,
oaččutgo oahppomateriálalasi ja oahppoloana
stáhtadáhkádusa.

Du vanhemiid boadut eai váikkuhit oahppodoarjagii,
jos muhtun čuovvovaččain guoská du:

- Leat deavdán 18 jagi ja ásat iehčanassii.
- Leat náitalan.
- Leat vuolleahkásaš máná fuolaheaddji.

Ássandoarjja ja ássanlassi

Kela doarju stuđeanttaid ássama almmolaš ássandoarjagiin dahje oahpporuđa ássanlasiin.

Almmolaš ássandoarjja

Jos stuđeret ja ásat Suomas, sáhtát oažžut almmolaš ássandoarjaga. Almmolaš ássandoarjaga ii sáhte ohcat oahppodoarjjaohcamušain, muhto dan várás lea sierra ohcamuš. Seamná borramušgázzái gullelaš olbmot ohcet ássandoarjaga ovttas.



Borramušgázzái dárkkuha olbmuid, geat ássat seamma visttis bissovaččat. Dábálaččat borramušgázzái lea náittospárra, rabaslihttopárra dahje bearaš. Maiddái okta olmmoš sáhtá leat borramušgázzái.

Almmolaš ássandoarjaga mearrái váikkuhit

- man olu ássan máksá
- man gielddas visti lea
- galle ollesolbmo ja máná borramušgázzái gullet
- man olu leat boađut olbmui, geat gullet borramušgázzái.

Almmolaš ássandoarjagis boađut váikkuhit eará láhkai go oahppodoarjagis.

Sáhtát árvvoštallat Kela neahttasiidduin rehkenastiin, man olu oaččut almmolaš ássandoarjaga.

www.kela.fi/laskurit (suomagillii)

Gávnnat lasi dieđu ássandoarjagis Almmolaš ássandoarjja -brošyras ja Kela neahttasiidduin:

www.kela.fi/davvisamegiella

Oahppodoarjaga ássanlassi

Oahppodoarjaga ássanlasi sáhttet oažžut stuđeanttat, geat stuđerejit olgoriikkain dahje Álanddas. Sin ássanlassi lea 210 euro mánotbajis.

Ássanlasi sáhttet oažžut maiddái stuđeanttat, geat stuđerejit álbmotallaskuvllas dahje valáštallanskuvlenguovddážis Suomas ja geaid oahput mákset ja geat ássat oahppolágádusa ásodagas. Sin ássanlassi lea sulaid 89 euro mánotbajis.

Sáhtát oažžut ássanlasi ja eará oahppodoarjaga dušše stuđerenmánotbajiid áigge.

Ássanlasi oažžumis ii leat ahkerádjii. Vánhemiid boađut eai váikkut ássanlassái.

Oahppoloatna

Go stuđeret, sáhtát váldit maiddái oahppoloana bânkkus.
Mávssát loana ruovttoluotta,
go oahput nohket.

Sáhtát oažžut oahppoloana stáhtadáhkádusa,
jos oaččut oahpporuđa dahje rávesolbmuidskuvlendoarjaga.



Stáhtadáhkádus oaivvilda dan,
ahte Kela máksá loana ruovttoluotta bânkkui,
jos it ieš bastte máksit dan.
Kela goittotge bearrá maŋŋá loana ruovttoluotta.

Oza oahppoloana stáhtadáhkádusa Kelas.
Sáhtát ohcat dan seammas, go ozat oahppodoarjaga.

Go Kela lea mieđihan dutnje oahppoloana stáhtadáhkádusa,
sáhtát ieš válljet,
man bânkkus ozat oahppoloana.
Don galggat ieš ráđđádallat loanas ja dan eavttuin,
dego reanttus ja ruovttoluottamáksimis.

Jos leat 18–19-jahkásaš ja ásat vanhema luhtte,
sáhtát oažžut oahppoloana stáhtadáhkádusa.
Oaččut dáhkádusa, vaikke it oaččo oahpporuđa.
Maiddái iehčanassii ássi vuollel 17-jahkásaš
sáhttá oažžut oahppoloana stáhtadáhkádusa,
jos su vanhemiid boadut leat unnit.

Jos leat vuollái 18-jahkásaš,
oaččut loana 400 euro mánotbajis.
Dárbbasat vanhemiiddát miehtama
oahppoloana váldimii.
Jos leat uhcimustá 18-jahkásaš,
oaččut oahppoloana 850 euro mánotbajis.



Sáhtát ohcat bânkkus oahppoloana,
jos oaččut oahpporuđa dahje
rávesolbmuidskuvlendoarjaga.
Jos gárvvásmuvat mearreáiggis,
Kela sáhttá máksit oasi du oahppoloanas.

Jos studeret olgoriikkain,
oaččut oahppoloana 1 000 euro mánotbajis.

Mearridat ieš, loktetgo loana
ja man ollu loana loktet hávális.

Oahppoloana reanttut lasihuvvojit loatnasubmái
dan áigge, go oaččut oahppodoarjaga.
Go it šat oaččo oahppodoarjaga,
oaččut bāŋkkus rehkega reanttuid ja loana máksima várás.

Oahppoloatnabuhtadus

Kela sáhtta máksit oasi du oahppoloanas,
jos čađahat allaskuvladutkosa mearreáiggis.
Dat gohčoduvvo oahppoloatnabuhtadussan.

Oahppoloatnabuhtadus lea 40 proseantta
dan oahppoloana mearis, mii manná badjel 2 500 euro.
Oahppoloatnabuhtadusas lea eanemusmearri.
Eanemusmearri lea gitta das,
man viiddis dutkosa leat čađahan.

Sáhtát oažžut oahppoloatnabuhtadusa,
jos buot čuovvovaš eavttut ollašuvvet:

- Leat álggahan vuosttas allaskuvlaoahpuidat
1.8.2014 dahje dan maŋŋá.
- Čađahat dutkosa mearreáiggis.
- Dus lea oahppoloatna badjel 2 500 euro.

Jos it čađat dutkosa mearreáiggis,
sáhtát dattetge oažžut oahppoloatnabuhtadusa,
jos oahput leat hiđásmuvvan dohkálaš siva dihtii.

Dohkálaš siva lea ovdamearkka dihte buohccán,
muhto dušše dalle jos leat ožžon buohcanbeaiveruđa.
Dohkálaš siva lea maiddái máná oažžun,
muhto dušše dalle jos lea ožžon vánhemiidbeaiveruđa.

Dábálaččat oahppoloatnabuhtadusa ii dárbbáš ohcat.
Kela sádde das dutnje mearrádusa,
go leat geargan allaskuvllas.

Oahppoloatnabuhtadusa galgá goittotge ohcat,
jos háliidat oažžut dan universitehtas čađahuvvon
vuollil allaskuvladutkosa maŋŋá.

Jos leat čađahan allaskuvladutkosa olgoriikkain,
almmut das Kelai.

Reantodoarjja

Jos leat geargan oahpuiguin
ja dus leat unna boađut ja oahppoloatna,
sáhtát ohcat Kelas reantodoarjaga.
Dalle Kela máksá du oahppoloana reanttuid.
Don it dárbbáš máksit daid ruovttoluotta bāŋkui.

Mo boadut váikkuhit oahppodoarjagii?

Dus sáhttet leat boadut seamma áigge, go loktet oahppodoarjaga. Boađuide lea goittotge rádjá, mii gohčoduvvo jahkedienasrádján. Jos oaččut jagi áigge eanet boađuid, boadut váikkuhit du oahppodoarjaga mearrái.

Jahkeboahtorájit jagis 2024

Sáhtát oažžut boađuid goas nu kaleanddarjagi áigge.

Doarjjamánobajit kaleanddarjagi áigge	Jahkeboahtorádjá, euro/kaleanddarjahki
1	35 360
2	33 280
3	31 200
4	29 120
5	27 040
6	24 960
7	22 880
8	20 800
9	18 720
10	16 640
11	14 560
12	12 480

Oahppodoarjja ja ássandoarjja eai rehkenasto boahkun. Kela almmustahtta jagi 2025 boahtorájaid čujuhusas

www.kela.fi/opintotuki-omat-tulot (suomagillii)

Jos álggahat oahpuid dahje gearrgat skuvllas gaskan jagi, sáhtát oažžut boađuid friddja ovdal oahpuid álggu ja daid nohkama manjá. Čuovo goittotge boahtorájaid oahppománobajiid áigge. Fuolat das, ahte du boadut studerenáiggis leat eanemustá 1 040 euro mánobajis doarjjamánobaji nammi ja 3 120 euro mánobajis dakkár mánobaji nammi, goas it leat ožžon oahppodoarjaga.

Kela sáhtta bivdit du čilget, goas leat ožžon boađuid.

Jos gaskkalduhtát oahpuid gaskan jagi, de boadut váldojuvvojit vuhtii oppa jagis.

Jos boadut mannet jahkeboahtorájá badjel

Galggat ieš fuolahit das, ahte boadut eai mana badjel jahkeboahtorájá. Jos boadut mannet badjel jahkeboahtorájá, de Kela bearrá ruovttoluotta liiggás máksojuvvon oahppodoarjaga. Berrojuvvon submái lasihuvvo 7,5 proseantta bajádus.

Jos fuomášat, ahte du boadut mannet badjel boahtorájá, de sáhtát bargat čuovvovaččat:

- Oza oahppodoarjaga dušše dihto oahppománobajiide.
- Almmut Kelai, ahte it váldde oahppodoarjaga dihto mánobajiin.
- Máhcat Kelai oahppodoarjaga iežat válljen mánobajiin.

Máhcat badjelmearálaš oahppodoarjagiid čuovvovaš jagi cuonomanu loahpa rádjái.

Doarjja skuvlamátkkiide ja borademiide

Skuvlamátkedoarjja

Skuvlamátkedoarjagis leat sierra eavttut stuđeanttaide, geain lea vuoigatvuohta nuvttá skuvlejupmái, ja eará stuđeanttaide.

Skuvlamátkedoarjja stuđentii, geas lea vuoigatvuohta nuvttá skuvlejupmái

Sáhtát oažžut doarjaga skuvlamátkkiide, jos čađahat ovdamearkka dihte

- logahatoahpuid dahje rávesolbmuid logahatoahpuid
- ámmátlaš vuodđodutkosa
- ámmátduktosa
- válbmejeaddji skuvlema, ovdamearkka dihte TUVA-skuvlema
- oahppogeatnegasaide dárkkuhuvvon friddja čuvgehusbarggu skuvlema.



Geas lea vuoigatvuohta nuvttá skuvlejupmái?

Dus lea vuoigatvuohta nuvttá skuvlejupmái, jos deavddát čuovvovaš eavttuid:

- Leat geargan vuodđoskuvllas jagis 2021 dahje dan maŋná.
- Leat riegádan jagi 2004 dahje dan maŋná.

Sáhtát oažžut doarjaga, jos du skuvlamátki ovtta guvlui lea unnimustá 7 kilomehtera.

Jos dus leat unnimustá 15 mátkebeaivvi kaleanddarmánobajis, sáhtát oažžut dievas skuvlamátkedoarjaga.



Oassi stuđeanttain sáhtát oažžut Kelas doarjaga skuvlamátkkiide.

Jos dus leat skuvlamátkkit 10–14 beaivve
kaleandarmánobajis,
sáhtát oažžut beali dievas skuvlamátkedoarjagis.

Jos geavahat iežat skuvlamátkkiin
almmolaš johtolaga dahje skuvlasáhtu,
it dábálaččat mávsse mátkkiin maidege.

Skuvlamátkedoarjja studentii, geas ii leat vuoigatvuohta nuvttá skuvlejumái

Sáhtát oažžut doarjaga,
jos čađahat ovdamearkka dihte

- logahatoahpuid
- ámmátlaš vuodđodutkosa
- válbmejeaddji skuvlema,
ovdamearkka dihte TUVA-skuvlema.

Sáhtát oažžut doarjaga,
jos du skuvlamátki ovttá guvlui lea unnimustá 10 kilomehtera.

Jos dus leat skuvlamátkkit
uhcimustá 15 beaivve kaleandarmánobajis,
sáhtát oažžut dievas skuvlamátkedoarjaga.
Jos dus leat skuvlamátkkit 10–14 beaivve
kaleandarmánobajis,
sáhtát oažžut beali dievas skuvlamátkedoarjagis.

Vai don sáhtát oažžut dievasmearálaš doarjaga,
eaktun lea mátkkebeivviid lassin dat,
ahte mátkkit mákset badjel 54 euro mánobajis.
Dalle mávssat dábálaččat mátkkiin ieš 43 euro mánobajis.

Vai don sáhtát oažžut beali dievasmearálaš doarjagis,
eaktun lea mátkkebeivviid lassin dat,
ahte mátkkit mákset badjel 27 euro mánobajis.
Dalle mávssat dábálaččat mátkkiin ieš 21,50 euro mánobajis.

Sáhtát oažžut skuvlamátkedoarjaga,
vaikke du mátkkit mákset uhcit,
jos geavahat man nu čuovvovaččain:

- Waltti-johtolat, mii doaibmá mángga gávpoigis
- Helsingin kaupungin nuorisoyhteisö (HSL)
- Tampere kaupungin nuorisoyhteisö (Nysse)
- Turku kaupungin nuorisoyhteisö (Föli)
- skuvlasáhttu
- sáhttu, man leat ieš ordnen.

Oaččut lassidieđuid Waltti-johtolagas čujuhusas
walitti.fi (suomagillii)

Skuvlasáhttu oaivvilda dan,
ahte oahppolágádus dahje gielddat ordne dutnje skuvlasáhtu
dahje oastá dutnje mátkkebileahtaid skuvlamátkkiide.
Oaččut lassidieđuid skuvlasáhtus iežat oahppolágádusas.

Jos dus ii leat almmolaš johtolat
dahje skuvlasáhttu geavahusas,
sáhtát mátkkoštít skuvlii nu mo ieš válljet,
ovdamearkka dihte iežat biillain dahje vanhema sáhtuin.

Skuvlamátkedoarjaga ohcan

Oza skuvlamátkedoarjaga MuKelas:

www.kela.fi/neahtas

Du beales maiddái du fuolaheaddji sáhtta ohcat doarjaga MuKelas.

Kela máksá doarjaga geavahuvvon mátkkoštanvuogi mielde njuolgga bileahttavuovdá, oahppolágádussii dahje dutnje.

Galggat ohcat skuvlamátkedoarjaga juohke oahppoahkái sierra.


Boradandoarjja

Jos stuđeret allaskuvllas, sáhtát oažžut vuoládusa borademiin restoránñain, mat leat fárus boradandoarjagis.

Mávssat mállásis unnit supmi, go čájehat stuđeantakoartta dahje Kela boradandoarjjakoartta.

Restoránñat, mat leat searvan boradandoarjagii:

www.kela.fi/opiskelijaravintolat (suomagillii)



Allaskuvlaoahppit sáhttet oažžut vuoládusa stuđeantarestoránñain.

Allaskuvlastudeantta dearvasvuodadikšunmáksu

Ámmátallaskuvllaid ja universitehtaid studeanttat galget máksit Kelai dearvasvuodadikšunmávssu, jos sii čadahit dutkosa ja leat almmuhan mielde orrun allaskuvlii. Máksu lea sulaid 37 euro lohkanbajis.

Dearvasvuodadikšunmávssuin ruhtadit Studeanttaid dearvasvuodadikšunvuodđudusa (Ylioppilaiden terveydenhoitosäätiö) nappo YTHS doaimmaid. Allaskuvllaid ja universitehtaid studeanttat ožžot YTHS:s dearvasvuodadivššu. Kela ii sádde mávssus rehkega. Galggat ieš muitit máksit dan.

Máksu galgá máksojuvvot 2 geardde jagis. Mávssu giđđalohkanbaji mávssu mañemustá 15.3. ja čakčalohkanbaji mávssu mañemustá 15.11. Sáhtát máksit mávssu nehtas:

www.kela.fi/neahtas



Allaskuvlaoahppit ožžot dearvasvuodadikšuma Studeanttaid dearvasvuodadikšunvuodđudusas. Dan várás galgá máksit Kelai dearvasvuodadikšunmávssu.

Rávesolbmuidskuvlendoarjja


Jos leat leamašan bargoeallimis unnimustá 8 jagi, sáhtát oažžut rávesolbmuidskuvlendoarjaga. Dan ii miedit Kela, baicce Barggolašvuodafoanda (Työllisyysrahasto).

Gávnnat lassidieđuid čujuhusas

www.tyollisyysrahasto.fi (suomagillii)

Sáhtát oažžut rávesolbmuidskuvlendoarjaga oahpuide, jos du oahput álget maŋimustá 31.7.2024 ja maiddái doarjaga máksin álgá maŋimustá dalle. Sáhtát oažžut doarjaga jagi 2025 loahpa rádjai. Rávesolbmuidskuvlendoarjaga ii sáhte oažžut, jos du oahput álget 1.8.2024 dahje das maŋá.

Jos oaččut rávesolbmuidskuvlendoarjaga unnimustá 8 vahku áigge, Kela sáhttá miedihit dutne oahppoloana stáhtadáhkádusa. Dáhkádus lea 850 euro mánotbajis. Jos čadahas allaskuvladutkosa ja dagat dan mearreáiggis, Kela sáhttá máksit oasi du oahppoloanas. Loga lasi čuoggás Oahppoloatnabuhtadus (siiiddut 20–21).



Jos leat leamaš bargoeallimis uhcimustá 8 jagi, sáhtát ohat Barggolašvuodafoanddas rávesolbmuidskuvlendoarjaga.

Vearjogeatnegasa doarjagat

Vearjogeatnegasvuoda čadaheapmi oaivvilda dan, ahte olmmoš manná soahtevhkii dahje siviilabálvalussii. Oaččut dalle soahtevogas dahje siviilabálvalusbáikkistat smávva beaiveruda.

Dan lassin Kela sáhtta máksit soalddátdoarjaga. Dat sáhtta máksojuvvot olbmui, gii lea soahtevogas dahje siviilabálvalusas, dahje su oapmahaččaide. Oapmahaš oaivvilda veartogeatnegasa náittosguoimmi. Oapmahaš lea maiddái rabasguoibmi, geainna veartogeatnegasas lea oktasaš mánná. Dan lassin oapmahaččat leat veartogeatnegasa iežas mánát ja náittosguoimmi mánát.

Kela sáhtta máksit soalddátdoarjaga maiddái dakkár olbmui, gii bohtá olgoriikkain Supmii bálvalussii.

Soalddátdoarjagii gullet

- vuodđodoarjja
- ássandoarjja
- ealihandoarjja
- sierradoarjja.

Lassin Kela sáhtta máksit oahppoloana reanttuid.

Soalddátveahki sáhttet oažžut

- veartogeatnegas
- náittosguoibmi
- ovttasorru, jos beallelaččain lea oktasaš mánná
- veartogeatnegasa mánná dahje náittosguoimmi mánná.

Boađuid váikkuhus soalddátdoarjagii

Soalddátdoarjagii váikkuhit boađut, maid don ja du oapmahaš oažžubeahtti bálvalusa áigge. Kela vuhtiiváldá dalle nettoboađuid. Nettoboađut dárkkuhit boađuid, main leat máksojuvvon veartut. Nettoboađut geahpeduvvojit soalddátdoarjagis.

Boađuide ii goittotge rehkenasto beaiveruhta, man oaččut soahtevogas dahje siviilabálvalusbáikkis. Dan lassin sáhtat dinet juohke mánotbaji 300 euro almmá, ahte dat geahpeda soalddátdoarjaga meari. Dát gohčoduvvo suodjeoassin.

Vuodđodoarjja

Kela sáhtta máksit veartogeatnegasa oapmahažžii vuodđodoarjaga. Vuodđodoarjja gokčá beallelačča ja máná beaivválaš goluid, maida eará boađut eai reahkká. Dat leat ovdamearkka dihte borramuššii, biktasiidda ja dearvasvuodafuolahussii laktáseaddji golut.

Vuodđodoarjaga dievas mearri lea sulaid 775 euro mánotbajis. Doarjaga mearrái váikkuhit bearraša boađut ja mánnálohku.

Ássandoarjja

Kela sáhtta máksit veartogeatnegasa ja su oapmahačča govttolaš ássangoluid.

Kela sáhtta miedihit ássandoarjaga veartogeatnegassii dušše dalle, jos son lea ássan iehčanassii sulaid 3 mánotbaji áigge ovdal bálvalusa.

Jos vearjogeatnegasas lea ovdamearkan oamastanvisti, maddái oanehut ássanáigi reahkká.

Ássangoluide rehkenastojuvvojit láigu, čáhcemávssut, šleadgamávssut, vástta, visteloana reanttut ja bearašviesu dikšungolut.

Ealihandoarjja

Jos vearjogeatnegas ii bastte máksit mánnái ealihanveahki, Kela sáhtá máksit ealihandoarjaga soahteveaga dahje siviilabálvalusa áigge.

Sierradoarjja ja oahppoloana reanttut

Kela sáhtá máksit vearjogeatnegasa oapmahažžii ovdamearka dihte dearvvasvuodadikšumii dahje mánáiddikšumii laktáseaddji goluid. Dat gohččoduvvo sierradoarjjan.

Kela sáhtá maddái máksit vearjogeatnegasa ja su oapmahačča oahppoloana reanttuid.

Eará doarjagat

Jos vearjogeatnegas oažžu máná, son sáhtá oažžut vánhemiidbeaiveruđaid.

Jos it sáhte oažžut soalddátdoarjaga, dus sáhtá leat vuoigatvuohta oažžut almmolaš ássandoarjaga. Dárkkis ášši Kelas.

Ohcan ja máksin

Oza oahppodoarjaga, almmolaš ássandoarjaga skuvlamátkedoarjaga ja soalddatdoarjaga nehtas:

www.kela.fi/neahtas

Dárkkis ohcamušas, mat čuvvosat das galget leat mielde. Maddái čuvvosiid sáhtá sáddet nehtas.

Sáhtát ohcat doarjaga maddái skoviin, man oaččut Kela doaimmahagain ja neahttasiidduin:

www.kela.fi/skovit

Kela poastačujuhus lea

Kela

PL 10

00056 KELA

Sáhtát dikšut eanáš Kela-áššiid maddái telefavnas.

Go Kela lea giedahallan du ohcamuša, oaččut ruoktot mearrádusa. Mearrádusas mitaluvvo doarjaga mearri, vuodustusat ja máksinbeaivi. Oaččut mearrádusa maddái dalle, jos dutnje ii leat mieđihuvvon doarjja.

Kela máksá doarjaga du bāņkokontui. Oahppodoarjaga, almmolaš ássandoarjaga ja soalddatdoarjaga máksinbeaivi lea mánotbaji 1. bāņkobeavve.

Almmut, jos du dilli nuppástuvvá

Jos du eallin nuppástuvvá, dat sáhtá váikkuhit Kela doarjagiidda, maid don oaččut. Nuppástus sáhtá guoskat ovdamearkka dihte ássama, boađuid, bargama dahje bearraša.

Muitte almmuhit nuppástusain Kelai. Sáhtát dahkat dan nehtas, telefovnnas dahje doaimmahagas.

Dus lea ovddasvástádus iežat bealis sihkkarastit, ahte Kelas leat rivttes dieđut. Dalle dutnje máksojuvvon doarjaga mearri lea riehta.

Jos mearrádušas lea feaila

Jos leat dan oaivilis, ahte Kela mearrádušas lea feaila, sáhtát ohcat nuppástusa mearrádussii.

Oaččut mearrádusa mielde rávvagiid das, mo nuppástus ohccojuvvo.

Jos dus leat jearaldagat, váldde vuos oktavuoda Kelai.



Nehtas sáhtát

- ohcat doarjagiid
- sáddet čuvvosiid
- dárkkistit du ohcamuša dili
- sáddet dieđuid
- almmuhit nuppástusain
- heaittihit doarjaga.

Ná Kela bálvala

Nehtas

Loga Kela doarjagiin sámegillii:
www.kela.fi/davvisamegiella

Rehkenastte doarjaga meari:
www.kela.fi/laskurit

Divššo áššiid nehtas:
www.kela.fi/neahtas

Sisačálit neahttabálvalusaide

MuKelai (OmaKela) ja áigevárremii galgá sisačálihit.

Dárbbasat bänkodovddaldagaid dehe mobiilanannema.

Veahkki áššiid dikšumii

Gáiddusbálvalusas oaččut persovnnalaš rávvema ja bagadeami:

www.kela.fi/gaiddusbalvalusas

Sáhtát addit nuppi olbmui lobi dikšut du Kela-áššiid:
www.kela.fi/assiid-diksun-nuppi-olbmo-beales

Bálvalanbáikkis

Dárkkis čujuhusaid ja rabasáiggiid:
www.kela.fi/doaimmahagas

Telefovna bokte

Davvisamegielat telefonbálvalus

Rabas vu–be diibmu 9–11.
020 634 2894

Sáhtát sáddet Kelai rávdnjepoastta ja bivdit, ahte dutnje váldojuvvo oktavuoha:
saame@kela.fi

Eará bálvalannummirat

Rabas vu–be diibmu 9–16.

Áigái boahntindorjja.....020 692 207

Ássan.....020 692 210

Bargguhisvuoha.....020 692 210

Bearran020 634 4940

Buohcan ja koarttat.....020 692 204

Ealáhagat.....020 692 202

Riikkaidgaskasaš dilit (vu–be dmu 10–15).....020 634 0200

Stuđeren ja vearjo-geatnegasvuoha.....020 692 209

Vánhenvuoha.....020 692 206

Veajuiduhttin ja doaimmaváttogiid-dorjagat020 692 205

Ringen ja vuoru vuordin mákset telefonsoahpamuša hattiid mielde.

Loga lasi:
www.kela.fi/telefavnain

Kela davvisámegillii

Davvisámegielat neahttasiiddut:
www.kela.fi/davvisamegiella

Davvisámegielat gihppagat:

Almmolaš ássandoarjja

Áigái bohtindoarjja

Bargguhisvuohta

Buohcan ja doaibmaváttogiiddoarjagat

Ealáhagat ja eará ealáhatoažžu doarjagat

Mánnábearrašat

Olgoriikkain Supmii dahje Suomas olgoriikkaide

■ **Studeantta ja vearjogeatnegasa doarjagat**

Veajuiduhttin

Davvisámegielat gihppagiid sáhttá čálihit
Kela neahttasiidduin:
www.kela.fi/brosyrat